

**Legoland Malaysia Dibuka, Johor Dan Iskandar Malaysia Akan Jadi Hab Hiburan  
Terkemuka  
Bernama  
15 September, 2012**

JOHOR BAHRU, 15 Sept (Bernama) -- Taman Tema Legoland pertama di Asia dengan rasminya dibuka kepada orang ramai Sabtu, sekali gus merapatkan lagi Johor dan Iskandar Malaysia untuk menjadi hab hiburan utama di Asia.

Ribuan pengunjung berbaris menanti dengan penuh sabar seawal 7 pagi untuk memasuki taman tema yang berkeluasan 76 ekar yang terletak di Nusajaya itu yang merupakan yang keenam terbesar seluruh dunia, selepas Denmark, United Kingdom, California, Jerman dan Florida.

Siegfried Boerst, pengurus besar untuk Legoland Malaysia yang memantau pembinaan taman itu, begitu teruja dan terharu kerana beliau sendiri yang mengalu-alukan pengunjung pertama ke taman berkenaan.

"Ia merupakan saat yang begitu emosi untuk saya dan setiap orang di Legoland. Saya amat bernasib baik kerana menjadi sebahagian daripada mereka yang merasakan saat emosi seumpama itu di sini," kata beliau kepada pemberita di sini hari ini.

Taman itu, yang diinspirasikan daripada blok binaan mainan Denmark, dibahagikan kepada tujuh kawasan tema dan terdiri daripada lebih 50 juta kepingan blok LEGO.

-- BERNAMA

Copyright © 2012 BERNAMA

Source: <http://www.bernama.com/bernama/v6/bm/newsindex.php?id=694937>